

Načelnik svih gr

KADA SAM PREUZEAO ZVANIČNU DUŽNOST 27. NOVEMBRA 2008. GODINE, STANJE KOJE SAM ZATEKAO U OPŠTINI STARI GRAD JE BILO, USLOVNO REČENO, PREVIŠE LIBERALNO. ZNAČI, PREVIŠE JE BILO DANO I OVLAŠTENJA I SLOBODE POMOĆNICIMA SVIH SLUŽBI, DOK PROBLEM SAMOG FUNKCIONISANJA NAČELNIKA KAO NAČELNIKA JE BIO JEDNOSTAVNO, HAJDE DA KAŽEMO, RAZVLAŠTEN. S OBZIROM DA NAČELNIK ODGOVARA ZA FUNKCIONISANJE OPŠTINE PO SVIM SEGMENTIMA, DOŠAO SAM JEDNOSTAVNO U TAKVU SITUACIJU DA SAM MORAO PREUZETI ODGOVORNOST ZA ONO ŠTO RADIM. STOGA SMO ODMAH KRENULI U NOVU SISTEMATIZACIJU, JER JA SAM OVDJE ZATEKAO SISTEM KOJI NIJE OD JUČER, NEGO ON TRAJE VEĆ DESET GODINA...

Razgovarao: ALIJA LIZDE

Biti načelnik sarajevske Općine Stari Grad je i čast i privilegija, ali i velika obaveza. Za veoma kratko vrijeme Ibrahim Hadžibajrić je stekao i opravdao povjerenje svojih sugrađana koji su na minulim izborima glasali za

njega i Stranku demokratske akcije. Prije dolaska na ovu odgovornu funkciju, bio je djelatnik u organima državne uprave. Od 1996. do 2000. godine radio je u Ministarstvu vanjskih poslova, dvije godine je proveo na mjestu načelnika Sektora za analitiku, informatiku i tehniku, a od 1998. do 2000. godine bio je vicekonzul u

Beču, u našoj ambasadi. Onda je, sticajem okolnosti, napustio MVP, zbog neslaganja sa nekim stvarima i počeo se baviti izdavaštvom i novinarstvom. U tom periodu bio je direktor jednih novina, a potom je sa Željkom Kopanjom formirao Nezavisne novine. Tek toliko, da se zna. I da neko ne bi zaključio da je slučajno u politici i na

D SARAJEVO

džana

čelu Općine koja je puls našega glavnog grada i naše države.

■ Kakvo ste stanje zatekli u opštini Stari Grad i šta ste sve uradili za ovih 13 mjeseci koliko ste već načelnik?

HADŽIBAJRIĆ: - Kada sam preuzeo zvaničnu dužnost 27. novembra 2008. godine, stanje koje sam zatekao u Opštini Stari Grad je bilo, uslovno rečeno, previše liberalno. Znači, previše je bilo dano i ovlaštenja i slobode pomoćnicima svih službi, dok problem samog funkcionisanja načelnika kao načelnika je bio jednostavno, hajde da kažemo, razvlašten. S obzirom da načelnik odgovara za funkcionisanje opštine po svim segmentima, došao sam jednostavno u takvu situaciju da sam morao preuzeti odgovornost za ono što radim. Stoga smo odmah krenuli u novu sistematizaciju, jer ja sam ovdje zatekao sistem koji nije od jučer, nego on traje već deset godina. Ono što želim da naglasim jeste to da su ljudi koji su zasnovali svoj radni odnos u opštini, u najvećem jeku i mogu reći apsolutne vlasti, tada je bio SDA, da bi 2000-te godine dolaskom Alijanse na vlast, mnogi od njih promijenili ćurak i ostali na određenim mjestima kao pomoćnici, jer se to podijelilo po resorima. Da pojasnim, kada je donesen Zakon o državnim službenicima i namještenicima, oni su faktički samo prevedeni u pomoćnike, zvanično državne službenike i namještenike, što se sada promijenilo. Ja sam sa novom sistematizacijom, ne gledajući ko je iz koje partije, obavio razgovore i sa određenim političkim dužnosnicima i rekao im otvoreno da se pojedini ljudi kriju iza njih i njihovih političkih partija. Naišao sam na razumijevanje i odmah dobio



Imali smo problem urbanizma i stambenih poslova, to je bila jedna služba. Sada smo i to razdvojili, jer urbanizam ima tačno definisano svojim pravilnikom, dakle opisom poslova šta ljudi u urbanizmu treba da rade.

zeleno svjetlo da radim kako je najbolje za opštinu i kako bi se poboljšao kvalitet rada u njoj samoj. Pa, mi smo, ovdje u opštini, zbog građana, a nisu građani zbog nas. I u tom smislu je sistematizacija provedena odmah negdje nakon mjesec-dva od mog dolaska. Napravljena je nova sistematizacija, koja je jednoglasno prošla Vijeće.

O PROBLEMIMA SOCIJALE

■ Šta je bilo sa tim ljudima, pomoćnicima? Da li su smijenjeni?

HADŽIBAJRIĆ: - Nisu smijenjeni nego su provedeni iz resora u resor, spram njihove struke, afiniteta, rezultata rada. Tako je od devet službi napravljeno dvanaest. Ti su svi ljudi, pomoćnici, promijenjeni, napravljen je novi pravilnik. Poslije toga, negdje u avgustu mjesecu ove godine, podijeljena su nova rješenja, pa su osim pomoćnika promijenjeni i šefovi grupa, sektora, određeni službenici, odnosno namještenici u pojedinim službama i to smo na jedan način zasada riješili. Otprilike, oko 60 ljudi je izrotirano, dovedeni su i neki novi. Raspisan je konkurs za četiri nova mjesta, odnosno službe koje su se sada pojavile u ovome, jer je normalno bilo da se privreda razdvoji od obrazovanja, kulture i sporta. To su sada dvije posebne službe. Boračka, socijalna i invalidska zaštita su bile jedno, a sada su razdvojene. Što se tiče pitanja boračke zaštite, mi posla imamo sve manje i manje, dok će se problemi socijale u narednom periodu povećavati.

Imali smo problem urbanizma i stambenih poslova, to je bila jedna služba. Sada smo i to razdvojili, jer urbanizam ima tačno definisano svojim pravilnikom, dakle opisom poslova šta ljudi u urbanizmu treba da rade.

■ Obično, kada dođe do smjene jedne političke opcije i kada dođe novi čovjek na mjesto načelnika, normalno je da dovede svoje ljude i rješava socijalne slučajeve unutar svoje stranke?!

HADŽIBAJRIĆ: - Ne, ne, apsolutno ne. Ja sam doveo čak par ljudi, koji su mi možda moja desna ruka, a ne pripadaju mojoj političkoj opciji. I prema tome, to sam neki dan na Kolegiju rekao, ja sam samo pitao kada ste vi zasnovali radni odnos, jer je već u nekih zadnjih mjesec dana, od nekih zlih moma, počelo da prostrujava a propo upravo pravilnika, kako ja dovedim svoje stranačke ljude i kadrove, rješavam socijalne slučajeve, što

apsolutno nije tačno. Dovedeno je četvero ili petero ljudi, zaposleno isključivo preko konkursa. Radi se dakle o namještenicima, koji su primljeni preko Agencije za državnu službu, jer ta procedura traje po četiri, pet mjeseci. I apsolutno me nije interesovalo ni ko je ni šta je, mislim čak da ne pripadaju mojoj političkoj opciji.

■ Koliko je vijećnika u Opštini Stari Grad?

HADŽIBAJRIĆ: - Po političkoj liniji 10 je iz SDA, 8 SDP, 3 SBiH, 3 je Pokret mladih koji je sada kompletan prešao u novoformiranu stranku Fahrudina Radončića SBB, zatim dva iz Naše stranke, 3 iz BPS, jedan iz Boljitka i jedan iz Stranke penzionera. Znači ukupno 31 vijećnik.

■ Da li ste zadovoljni radom Gradskog vijeća?

HADŽIBAJRIĆ: - Apsolutno! Mislim, da smo mi jedinstvena opština, ne samo u Federaciji nego i u BiH. Ja se time hvalim, mada mi je u zadnje vrijeme to postalo minus. Do sada smo imali ukupno 12 sjednica Vijeća, odnosno jedanaest, jedna je bila vanredna. Od oko 300 vijećničkih tačaka, 97 odsto je „prošlo“ jednoglasno. Ne čak ni većinom. Bilo je, možda, par tačaka koje sam ja povukao, jer nisu bile dobro pripremljene, dok je samo jedna tačka odbijena.

OPŠTI INTERES

■ Hvalite se time da ste jedinstvena opština, ali ne razumijem zašto kažete da vam je to postalo minus?

HADŽIBAJRIĆ: - Na zadnjem Vijeću neki su pokušali to da iskoriste, kao da je to moja samovolja i da ih ja na taj način jednostavno nadjačavam. Međutim, njima stalno treba napominjati ono što sam im rekao na početku, kada sam preuzimao mandat, da sam načelnik svih građana i da nisam načelnik samo jedne političke opcije i da se na Vijeću ne može provoditi stranačka politika. Pa, ne mogu ja sada asfaltirati ulicu do pola zato što su oni glasali za SDA, a drugu polovinu neću, jer su ti drugi, primjerice, glasali za SDP. Očito, neki ljudi na lokalnom nivou to ne mogu da shvate. I ono što je meni apsolutno svejedno i to sam im rekao, možda to neke i boli, da mi je svejedno hoće li tačka na dnevnom redu Vijeća proći ili neće, jer ja to ne radim za svoj džep nego radim za opšti interes. U svakom slučaju, ako tačka ne prođe,

ja hoću imenom i prezimenom da se kaže ko je bio protiv iste, kako bi sredstva informisanja bila upoznata, jer novinari prisustvuju na svim sjednicama Gradskog vijeća. I na osnovu toga, ja tu tačku više nikada neću staviti na dnevni red i toga se pridržavam.

■ Koliki je budžet opštine Stari Grad sada i da li je veći u odnosu na prošlu godinu?

HADŽIBAJRIĆ: - Za prošlu godinu, dakle ako govorimo o ovoj godini, on je iznosio 18 miliona. Usvojeni budžet za 2008. godinu je bio isti kao i za 2009. godinu - 19 miliona i 600 hiljada KM, mislim da je čak bio i malo veći za nekih 10-12 odsto, pa smo ga u rebalansu smanjili za 8,3 odsto, sa 19 miliona i 600 hiljada na 18 miliona i 600 hiljada. S obzirom na ekonomsku situaciju, nismo imali podršku Kantona, pa su nam poprilično umanjene i dotacije i kapitalni grantovi. I upravo ta razlika od milion i 600 hiljada, kada sam radio rebalans u mjesecu oktobru, su bila upravo sredstva koja smo trebali dobiti od Kantona, ali ih, na žalost, nismo dobili.

■ A budžet za narednu godinu?

HADŽIBAJRIĆ: - Budžet za narednu godinu sam planirao u iznosu od 15 miliona i 700 hiljada KM, u nacrtu, s tim što će biti nekih prenesenih sredstava, znači izaći će on opet na nekih 18 miliona KM. Ovo su čisto planirana sredstva od opštine. Dakle, u budžetu za narednu godinu uopšte nisam planirao nijedan nivo vlasti. Ako budem dobio pare, odnosno ako oni budu planirali, a planirat će, sigurno, mislim na Kanton i Grad, onda ću ih staviti, jer meni je lako rebalans napraviti navise, mogu ga svaki mjesec raditi. Ko meni brani da svaki mjesec pravim rebalans? To mi je najsladi posao kada se radi navise. Prema tome, ne želim sada da stavljam po pitanju Kantona i Grada ništa, jer ne raspolazem informacijom šta oni mogu participirati sa sredstvima prema Opštini Stari Grad. Ako stavim napamet nešto, moram dati odgovor narodu, bit će vam urađeno to, a para nema.

RAD I RED

■ Šta je ono prepoznatljivo i zanimljivo što ste uradili za vrijeme vašeg mandata?

HADŽIBAJRIĆ: - Ono što je vidljivo, može se provjeriti putem naše web-stranice koju smo, odmah na početku godine, na-



Ferhadija je završena samo u onom dijelu, ne mogu reći ni krpjenja, već održavanja, od Slatke čoše do Katedrale. To je i bilo završeno, a mi smo ove godine odredili određena sredstva po pitanju održavanja.

pravili u saradnji sa jednom eminentnom kućom „Grafo-Art“. Mislim da je trenutno naša web-stranica možda najbolja i najjača u regiji, čak uzimajući i šire područje bivše Jugoslavije, gdje vršimo ažuriranje svakodnevno. Od građevinskih je urađeno preko 140 projekta. Govorimo o tim vidljivim stvarima, pošto ima i onih nevidljivih stvari, kroz razna udruženja, nevladine organizacije, manifestacije, gdje smo se mi svakako uključili onoliko koliko smo mogli, u skladu s našim finansijskim sredstvima. Najviše je urađeno, dakle, po pitanju infrastrukture i određenih objekata. Urađen je, recimo, objekat na Mošćanici, koji je koštao oko 240.000 maraka, za smještaj romskih domicilnih porodica, gdje smo na jedan kvalitetan način riješili šest familija, a oni broje preko 30 domaćinstava. U Besarinoj Čikmi privodi se kraju kuća, odmah do Stare pra-

voslavne crkve, koja je izgorjela. Već godinama je stajala takva, kakva je, narušena, skupljalište pasa lualica, mačaka... Možete otići i vidjeti da je tu sada iznikla nova zgrada, a da opština nije dala marke. Našli smo dakle investitora, riješili stambeno pitanje žene koja je pravoslavne vjeroispovijesti, a imala je tu stan i imala pravo na stan. Dakle, investitor je riješio i to. Napravili smo novi objekat, pola tog objekta će pripasti investitoru, pola ostaje opštini, a stan ostaje ženi koja je imala pravo na njega. Riješen je i problem „Name“, koja je 15 godina stajala kao ruglo u samom centru grada. Sa Ircima smo potpisali ugovor na zakup od 30 godina, pa su oni već krenuli u rekonstrukciju tog objekta. Neki dan je i građevinska dozvola postala pravosnažna. U „Nami“ će biti isti sadržaj kao što se sada nalazi u hotelu „Central“. Bit će najvjerojatnije jedan ekskluziv-

ni restoran koji će se nalaziti u prizemlju, a na spratu će biti fitnes-centar i sobe. Dakle, u sklopu hotela „Central“, jer će se i fasada i unutrašnji dio normalno uraditi i uljepšati taj dio grada. Dakle, to su ta tri veća projekta s kojima smo krenuli.

■ A hotel "Evropa"?

HADŽIBAJRIĆ: - Hotel „Evropa“ je završen još u mandatu mog prethodnika. Ja sam faktički samo izdao upotrebnu dozvolu kada sam preuzeo mandat. Treba da se krene raditi i popločavanje Bravadžiluka i to je investicija od oko 400-500 hiljada maraka. Tačnije, 20. januara 2010. godine. Mada je to projekat iz ove godine, ali smo se tako dogovorili sa privatnicima u toj ulici. Krenuli smo i u jedan aneks škole Vrhbosna u Faletićima, učestvovali smo sa nekih cirka 50.000 mara-

ka, tako da smo ove godine kompletan cijeli jedan sprat uspjeli da dignemo. Za dogodi- ne smo planirali možda čak i dovršetak te škole. Akobogda. U svakom slučaju, 34 ulice su asfaltirane. Ali, nije se išlo na asfaltiranje ulica, pa da se te ulice ponovo kopaju, dok se ne uredi postojeća infrastruktura, vodovod, kanalizacija i sve ostalo. Dakle, urađeno je tako da taj asfalt može da traje barem, pet, šest, sedam godina. Urađena je i rasvjeta u 43 ulice. Pola opštine Stari Grad je urađeno u ovoj godini, a druga polovica je planirana za narednu. Urađeno je oko trideset pet, trideset sedam potpornih zidova u Opštini Stari Grad. Tu su nam otišla ogromna sredstva, jer su sve to potencijalna klizišta. Ljudi ne mogu ni sve svoje kuće da legalizuju, ne mogu apsolutno ništa po tom pitanju, jer se kuće nalaze na klizištu. Znači jedno vuče drugo. Rješavanjem potpornog zida, kvalitetnog uređenja, automatski se stiču uslovi da danas, sutra ti ljudi koji su napravili kuće mogu da ih legalizuju.

KRPLJENJE FERHADIIJE

■ Inače, Opština Stari grad je specifična po tim padinskim naseljima?

HADŽIBAJRIĆ: - Ove godine je upravo i dano za ta prigradska naselja. Sve što vam nabrajam, oko 90 odsto stvari je urađeno po pitanju infrastrukture potpornih zidova, stepeništa što je isto jako bitno, odnosi se na padinske dijelove. Besar Čikma o kojoj sam maloprije govorio, objekat koji je napravljen, napravljen je bez sredstava opštine. „Nama“ je također napravljena bez sredstava opštine. Jedini trošak koji smo mi imali, kao opština, je plato ispred Ekonomskog fakulteta, koji smo popločali i zamijenili one klizave ploče, koje su bile oštećene u toku rata. To nas je koštalo oko 130-140 hiljada maraka.

■ Da li je završena Ferhadija?

HADŽIBAJRIĆ: - Ferhadija je završena samo u onom dijelu, ne mogu reći ni krpeljenja, već održavanja, od Slatke čoške do Katedrale. To je i bilo završeno, a mi smo ove godine odredili određena sredstva po pitanju održavanja. To ćemo i dogodine uraditi, jer mogu neki govoriti da je to nekada urađeno nekvalitetno, međutim sve se mora održavati. Vi morate uvijek imati sedam-osam hiljada maraka na strani da ploče koje su napuknute promijenite, jer na kraju krajeva to je jedna od najfrekventnijih ulica.



Opštine ne zavise toliko od grada, zavise od određenih projekata koje Grad uvrsti. Ali, Grad ne može uvrstiti projekat ako nema para, jer opet zavisi... Znači, ipak bi se malo više računa trebalo povesti, ne samo na nivou Federacije nego i BiH, jer mi sada imamo Komisiju za nacionalne spomenike koja je proglasila, mislim samo na Opštini Stari Grad - 59 objekata od značaja za državu BiH.

■ Ipak, Starim Gradom prode najviše ljudi?

HADŽIBAJRIĆ: - Mi imamo zvanične podatke od Turističke zajednice Kantona Sarajevo, gdje smo skupa sa gospodinom Šemsudinom Džekom, predsjednikom Turističke zajednice Kantona Sarajevo, proglašeni među deset najatraktivnijih gradova u svijetu. To je objavila jedna od londonskih najjačih turističkih agencija „Lionel planet“, što je veliki uspjeh. Dakle, nije sve tako crno, kao što se želi prikazati u BiH. Međutim, problem koji se javlja je sasvim druge prirode, takve informacije slabije se plasiraju kroz sredstva javnog informisanja, jer izgleda da su mediji samo željni krvi.

■ Šta znači to deset najpoželjnijih gradova za turiste? Koliko turista dođe dnevno u Stari grad?

HADŽIBAJRIĆ: - Sarajevo, kao Sarajevo, najposjećenija je opština Stari Grad i opština Ilidža. E, sada šta mi dobijamo

povratno od ostalih nivoa vlasti, jer mi svi učestvujemo određenim sredstvima kroz poreze prema turističkoj zajednici na kantonalnom i federalnom nivou. Vrlo mala sredstva se vraćaju prema Opštini Stari Grad. Znači, da me pogrešno ne shvate moje kolege, ja sam to sto puta rekao, ni opština Novo Sarajevo, ni Novi Grad, da ne govorimo - druge, nemaju šta ponuditi, ljudima koji dolaze u Sarajevo to nije interesantno. Oni vjerovatno imaju i ljepše zgrade i građevine nego što su kod nas. Ono što je njima interesantno je upravo Opština Stari Grad. Stoga i jesmo proglašeni, zbog Opštine Stari Grad, među 10 najatraktivnijih mjesta u svijetu.

■ Znači, priliv novca ne odgovara broju turista koji dođu u Opštinu Stari Grad?

HADŽIBAJRIĆ: - Upravo to. O tome bi se trebalo razmisliti. Ja imam izuzetnu saradnju s gospodinom Džekom i već smo dva, tri projekta završili u ovoj godini. Međutim, eho povratnih ostalih nivoa vlasti prema Opštini Stari Grad je slab. Svi se oni hvale s

Opštinom Stari Grad, kako se u 500 kvadratnih metara nalaze četiri vjerska objekta, jevrejski, katolički, pravoslavni i islamski, a kada treba dati pare niko ne daje, sve to održava Opština Stari Grad.

SARADNJA SA SDP

■ Kakva vam je saradnja sa opštinama koje vas dotiču primjerice Opštinom Centar, budući da je načelnik te opštine iz SDPa?

HADŽIBAJRIĆ: - Opština Centar ima razumijevanja u određenim stvarima i ja mogu reći da imam izuzetno dobru saradnju s načelnikom te opštine. Čak su nam u ovoj godini prebacili nekih 100.000 maraka za dovršetak škole na Sedreniku. Međutim, ipak je to stvar malo višeg nivoa. Trebali bismo svi sjesti zajedno. Ja sada hipotetički postavljam neka pitanja, ali zašto da ne, pa da kažemo dobro gospodo, ako je Opština Stari Grad ta koja mora da sprječava gradnju da bi zadržala ono šta ima, onda mora od nečeg i da živi. A, da bi živjela mora imati novac. Ako nema novca, nema održavanja ovih postojećih objekata i da tako kažem licanja. Eto to je taj problem.

■ Zar nije, načelniče, recimo, to zadaća gradonačelnika Sarajeva Alije Behmena - da vas na neki način iskoordinira?

HADŽIBAJRIĆ: - On to stalno radi. Ja ne mogu duše griješiti, on to stalno radi, ali problem je, što se kaže, iz prazne ne puca. Sve je to sistem spojenih posuda. Kanton prebacuje pare Gradu, Kanton nema para, samim tim nema Grad para. Opštine ne zavise toliko od grada, zavise od određenih projekata koje Grad uvrsti. Ali, Grad ne može uvrstiti projekat ako nema para, jer opet zavisi... Znači, ipak bi se malo više računalo trebalo povesti, ne samo na nivou Federacije nego i BiH, jer mi sada imamo Komisiju za nacionalne spomenike koja je proglasila, mislim samo na Opštini Stari Grad - 59 objekata od značaja za državu BiH. Međutim, tu se sada javlja jedan drugi problem, da mi faktički po pitanju restauracije, rekonstrukcije tih objekata bukvalno ne možemo ništa pokrenuti bez, uslovno rečeno, određenih saglasnosti, što jako dugo traje i ja se bojim da će u tom slučaju Opština Stari Grad ostati jedna crna rupa.

■ Šta mislite da može biti? Da vam Kanton ili Federacija, recimo, ne odobrava izgradnju?



HADŽIBAJRIĆ: - Imate Komisiju za državne spomenike na nivou BiH. Samim time sve što se tiče pitanja održavanja objekata koji su pod zaštitom države BiH, najlakše je donijeti zakon, dajte mi onda sredstva. Nikakav problem, hoćemo da zaštitimo, ali dajte i pare.

NADLEŽNOSTI

■ Šta je s Vijećnicom?

HADŽIBAJRIĆ: - Za to je zadužen Grad. Direktno je pod nadležnošću Grada, mada se nalazi na području Opštine Stari Grad. Mislim da su određena sredstva u Gradu i prikupljena, i na proljeće bi se trebalo krenuti sa rekonstrukcijom. Ta sredstva koja su sada

trenutno prikupljena za ovu prvu sljedeću fazu, za narednu godinu, trebalo bi se krenuti u restauraciju unutrašnjeg dijela.

■ Da li je i žičara pod nadležnošću Grada?

HADŽIBAJRIĆ: - I žičara isto pripada Gradu, mada je na teritoriji Opštine Stari Grad. Projekat žičare je, koliko sam ja upoznat, oko 16 miliona i 400 hiljada KM i mislim da je to sada nerješiv problem. Treba neke stvari jednostavno postaviti na zdrave noge, mora se naći ekonomska opravdanost izgradnje te žičare. Ako će Kanton, Grad, država, nebitno, napraviti tu žičaru i pustiti je da se ona održava od karte i zaposliti određene ljude, time samo povećavamo admini-

straciju plus održavanje i nismo dobili ništa. Ja bih to dao na neku koncesiju, ustupio, sa mogućnošću pravljenja određenih objekata gore na Trebeviću, jer jedino na taj način to može proći, ništa drugo.

■ Jeste li već tu ideju iznijeli na primjer, Gradonačelniku?

HADŽIBAJRIĆ: - Ja sam ovo iznio već nekoliko puta u sredstvima informisanja. Nije ovdje problem gradnje u našoj državi, nego je problem kako doći do svih potrebnih papira, kako bi došlo do gradnje. Mi smo ove godine pokrenuli 9 velikih projekata, i ja sam bukvalno cijelu godinu potrošio na tu administrativnu papirologiju. Nadam se, da bih za ovih mjesec dana, to trebao privesti kraju, kako bi od naredne godine mogao krenuti u realizaciju tih projekata.

■ Ima li još nešto što bi se trebalo raditi u Opštini Stari Grad?


HADŽIBAJRIĆ: - Ima, Bembaša, također rješavanje imovinsko pravnih odnosa. Potrošio sam cijelu godinu i konačno sam to priveo. Nažalost, to je tako, da bih uopšte mogao s nečim izaći pred nekakvog investitora, da kažem ovo je naše opštinsko, evo dajem ti na 50 godina u zakup, ako treba za jednu marku, napravi, zaposli ljude, opštini ne treba ništa, trebaju mi papiri. Znači sve su imovinsko pravni odnosi, more zakona, šuma zakona.

Opština, grad, kanton, federacija, država, dok se sve to usaglasi, onda vam se uvijek neko javi sa strane, čeka zadnji momenat da se to privede kraju, da bi se javio s nekim papirima gdje i on polaže pravo na to. Mislim da čak to i namjerno rade.

PAPIROLOGIJA

■ Šta je s kulturnim sadržajima? U Opštini Stari Grad, koliko se sjećam, bilo je jedno kino?

HADŽIBAJRIĆ: - Kino „Kolobara“, tačno. Sada se tu trenutno nalazi ljetna bašta, gdje nemamo nekih većih ljetnih sadržaja. Bašćaršijske noći i Sarajevska zima, to je već nešto tradicionalno i to je vezano za cijeli Grad, za Kanton, možemo reći i šire. To je od interesa čak i za BiH. Mi u Bašćaršijskim noćima učestvujemo samo sa jednim manjim finansijskim dijelom, a da li je to 10, 20 hiljada, govorim vam napamet, ostalo sve finansira Kanton. Međutim, i u kantonu je



koliko para toliko i muzike. Znači, što više para one će biti kvalitetnije, mada i ove godine mislim da su bile izuzetno pripremljene i na nivou.

■ Spomenuli ste tu silnu papirologiju koja vam je oduzela mnogo vremena. Šta je još to što vam je, da tako kažem, dizalo tlak?

HADŽIBAJRIĆ: - Svijest kod ljudi. To je razlog, zbog čega sam pristupio novoj sistematizaciji, novom pravilniku. Nedavno sam se vratio s jednog studijskog putovanja iz Norveške, gdje sam bio pozvan u Oslo, kod predsjednika Saveza svih opština u Norveškoj. Obišli smo ta tri, četiri dana, koliko sam gore bio, te njihove opštine. Kada smo imali prezentaciju njihove sistematizacije u jednoj od opština, tada sam ustao i rekao, vaša je sistematizacija trenutno ista mojoj. Tada su ljudi počeli postavljati pitanja. Konkret-

no kolege koje su sa mnom bile iz Viteza iz Odžaka, kazali su kako nagrađuju ljude, stimulišu i destimulišu po pitanju plata. Tada je direktorica njihovih stručnih službi, jer tamo je načelnik, politička funkcija, direktor je taj koji upravlja opštinom, rekla, pa to se dragi gospodine podrazumijeva, on je državni službenik, on treba da radi za ovu državu.

■ Načelnice pokrenuli ste saradnju i sa drugim opštinama?

HADŽIBAJRIĆ: - Pokrenuli smo ove godine mnogobrojna bratimljenjima. Između ostalog, evo, to za Norvešku, posjetili smo Opštinu Porum, koja graniči sa opštinom i ima 110.000 stanovnika, a njihov budžet je 800 miliona eura. Dakle kao cijele FBiH. I, vrlo brzo ćemo uspostaviti bratske odnose s tom opštinom. Ljudi su izrazili volju i ja se

nadam, da bi se naredne godine određeni projekti mogli da apliciraju preko njih, da nam ljudi jednostavno pomognu. Oni najviše ulažu u školstvo, u zaštitu čovjekove okoline, to je sada u zapadnoj Evropi, hajdemo reći trend. Ove godine smo uspostavili isto takve odnose s Opštinom Ulcinj i Opštinom Budva u Crnoj Gori, sa opštinom Kepez u Republici Turskoj. Prije toga smo sa Opštinom Osman Gazi, prije mog dolaska, i naredne godine smo planirali ostvariti saradnju sa još jednom opštinom iz Istambula.


SARADNJA

■ Ta saradnja sa opštinama recimo iz Norveške ima drugačiji sadržaj nego sa opštinom Budva?

HADŽIBAJRIĆ: - Budžet Opštine Stari Grad je 9 miliona eura, dok je Opštine Budva 70 miliona eura, a ima samo 16 hiljada stanovnika. To je faktički kao dvije mjesne zajednice u Opštini Stari Grad. Ja sam i sa Budvom dogovorio za narednu godinu u ljetnom periodu da se napravi spisak zainteresovanih ispred Opštine Stari Grad, koji bi radili u turističkoj ljetnoj sezoni u Budvi. Taj spisak ćemo dostaviti načelniku opštine odnosno njihovim službama i na taj način izvršiti razmjenu, čime ćemo izbjeći mešetarenje i rad na crno ljudi koji bi išli odavde. Prije svega ja razmišljam lokalno, radiće se o onim zainteresovanim ispred Opštine Stari Grad. Ukoliko to eventualno bude veći broj koji oni budu tražili onda ćemo proširiti i na ostale opštine i na Grad Sarajevo. To je već dogovoreno s predsjednikom Opštine Budva.

■ Htio sam zapravo da kažem da tako visoko razvijene opštine sa zapada, eto vi imate rekli ste istu sistematizaciju, oni u bukvalnom smislu mogu svojim projektima da pomognu, mislim zajedno možete nastupiti ?

HADŽIBAJRIĆ: - Apsolutno! Pa, mi i jesmo, kada govorimo o toj uzajamnoj saradnji između opština. Recimo, opštine iz BiH i opštine iz Crne Gore su upravo te, koje mogu aplicirati prema međunarodnim IPA fondovima i evropskim fondovima. Mi smo već upali, da tako kažem, u tu šemu i evo na kraju krajeva nisam ni znao da će to tako biti, možda sam i preduhitrio, kada sam napravio dva bratimljenja i sa Opštinom Ulcinj i sa Opštinom Budva. Već smo sada u toj šemi gdje zajedno možemo aplicirati prema IPA



fondovima. Dakle, kao dvije opštine iz dvije različite države, Crna Gora i BiH.

BUDUĆNOST

■ Šta je ono što dolazi u ovom periodu?

HADŽIBAJRIĆ: - Bojim se da je želja jako mnogo. Mislim da će iduća godina biti jako teška. Mada svi govore da ne može biti teže i gore nego što je bila ova godina, ja se bojim da će naredna biti izuzetno, izuzetno teška. Ako se uzme u obzir i kompletna situacija u BiH pogotovo neke investicije kojima se baš ne možemo pohvaliti... Daj Bože, da ja ne budem u pravu, ali mislim da ćemo se više morati okrenuti nekim socijalnim pitanjima, nego nekim razvojnim projektima, a opet s druge strane, to vam je dvosjekli mač, ako nemate investicija i nemate te vrste novca onda nemate ni radnih mjesta, a samim time kako će te plaćati socijalu.

■ Da, širom BiH sve je više korisnika Narodne kuhinje?!

HADŽIBAJRIĆ: - Nažalost, tako je. Mada sam prije neki dan dobio zvanični, statistički podatak iz Zavoda za zapošljavanje, gdje u Opštini Stari Grad je, recimo, stopa nezaposlenosti, uzimajući ove četiri gradske opštine pa možda čak i šire, manja, iznosi negdje 11,7 odsto u odnosu na broj stanovnika koji živi u Opštini Stari Grad. Da li je to puno ili malo, to je sada pitanje o kome bismo mogli raspravljati nekoliko

dana. Međutim, evidentno je da se Opština Stari Grad najviše naslanja na ove usluge, ugostiteljstvo, turističku ponudu, te radnje, radnjice... Mi i prije rata nismo imali neke velike gigante, osim Pivare i KTK „Visoko“, koje se nalaze gore na Vrbanjuši.

■ Imali ste nekih neugodnosti, prije dva mjeseca, bilo je nekih eksplozija blizu vaše kuće? Da li su krivci pronađeni?

HADŽIBAJRIĆ: - Da, otkrilo se ko je, i u roku od deset minuta je taj čovjek priveden. Pokrenuta je i krivična prijava, neki dan je potvrđena i optužnica. Ja shvatam ljude, međutim došlo je vrijeme da svi moramo krenuti o svom radu. Socijale, pod navodnim znacima, će biti sve manje i manje, mislim nezaslužene socijale. I taj slučaj je konkretno bio, da se za jednu kuću, oni su već otkupili jedan stan, htjeli su otkupiti još jedan u istoj kući. Tačno je da je to napušten stan, ali ako su oni već jedan otkupili, ne možete vi provesti proceduru ovdje i tek tako na lijepe oči nekome nešto dati. Očito je, da su momak, možda najvjerovatnije i njegova majka izgubili strpljenje, mada se išlo i krenulo u tom pravcu, da se taj problem riješi. Sada je to zaustavljeno. U svakom slučaju taj donji stan u kome se oni nalaze, na koji su se žalili da je neuslovan, opština će uložiti određena sredstva adaptirat će ga i dat će nekome kome bude potreban, jer imamo i tu jako puno ljudi koji su bukvalno na ulici. *